



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 01-05-6-2237-3/19.

Datum: 07.11.2019.godine

OPĆINSKO VIJEĆE OPĆINE TEŠANJ

PREDMET: Mišljenje na vijećničku inicijativu, dostavlja se.-

Na 33.sjednici Općinskog vijeća Tešanj koja je održana 30.10.2019.godine vijećnik Deljković Nermin je u ime Kluba vijećnika SDP postavio vijećničku inicijativu:

„Načelnik i službe, da krenu u izradu Registra državnog zemljišta u vlasništvu Općine Tešanj i svih mjesnih zajednica, po svim parcelama, te da isti bude dostupan svim građanima.“

Mišljenje:

Općina Tešanj već duži period vodi aktivnosti na ustrojavanju evidencije Općinske imovine, pa je u tom kontekstu pokrenuta aktivnost da se uspostavi registar nekretnina koje su vlasništvo Općine Tešanj.

Potrebno je napomenuti da je dobrim dijelom otežano “ažuriranje podataka” cijeneći da imamo naslijeđe iz prošlosti, da je mijenjan postupak uspostave podataka počev od tzv. “austroougarskog premjera” zv. “stari premjer”, starog katastra, katastra zemljišta (koji je u primjeni od 08.07.1981.g.) tzv. “novi premjer”. Stari premjer kod zemljišno knjižnog ureda se još uvijek koristi i na tim podacima je formirana baza podataka zemljišne knjige, koja se sada ažurira u postupku harmonizacije.

Zbog neažurnosti zemljišno knjižne evidencije pokrenut je projekat “ Izgradnja kapaciteta za poboljšanje zemljišne administracije i procedura u Bosni i Hercegovini čiji je glavni cilj projekta uspostaviti efikasniji, sigurniji i pouzdaniji sistem zemljišne administracije u Bosni i Hercegovini, koji je povezan sa projektom Registracija nekretnina u BiH koji se financira kreditnim sredstvima Svjetske banke.

Na području Općine Tešanj se vrši ažuriranje i “harmoniziranje podataka” za 10 Katastarskih Općina.

Tek kada se “harmoniziraju” podaci moći će se steći prava slika i bit će poznata struktura vlasništva/privatnog/ vlasništva jedinice lokalne samouprave.

Općina putem pravobranilaštva i nadležnih službi provodi postupke na harmonizaciji podataka, ali postoji i problem oko upisa, u pogledu upisa na pojedinim nekretninama gdje su upisani različiti pravni subjekti ili fizička lica, jedan titular upisan u zemljišnoj knizi, a drugi titular upisan u katastru zemljišta, kao i da nisu doneseni svi podzakonski akti/prateći propisi/ koji se odnose na status javnih dobara/šuma/pravni subjekti koji više ne postoje i sl.

Katastar zemljišta je javna knjiga i u njemu su pobrojane sve parcele na teritoriji općine po katastarskim općinama i posjednicima, samim tim, svim zainteresovanim licima su dostupni podaci katastra zemljišta, ako se obrate u šalter sali katastra i javno na geoportalu FGU gdje se može vidjeti sva imovina Općina i imovina MZ. Što se tiče vlasništva o istom evidenciju vodi ZK ured Općinskog suda u Tešnju i ta je evidencija javna i dostupna uvidom u ZK uredu ili preko portala e-grunt. Sadržaj ovih evidencija propisan je Zakonima o katastru i zemljišnoj knjizi. Knjigovodstveni registar općinskog zemljišta vodi se pri službi finansija kao dio materijalnog knjigovodstva. Ako bi se željelo da registar ima i neke druge podatke koji nisu u navedenim evidencijama onda bi se isti mogao sačiniti samo je pitanje potrebe za novim evidencijama, te sadržaja tih evidencija.

Shodno navedenom napominjemo da su katastar zemljišta i zemljišne knjige javni registri i dostupni su svakom. Radi se i na uspostavljanju posebne evidencije sa podacima iz katastra zemljišta i zemljišne knjige, a u tim registrima će biti i drugi podaci značajni za analizu kako bi se imovina općine i MZ koristila na najbolji način.

Prema naprijed datom obrazloženju, smatramo da je predložena Inicijativa u implementaciji.

OBRADIVAČ:

**Služba za katastar, urbanizam
i imovinsko-pravne poslove**

Nadir Medarić
NADIR Medarić, dipl. ing. geodezije

OPĆINSKI NAČELNIK:

Suad Huskić
Mr. sci. SUAD Huskić





**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-05-6-2242-2/19
Datum: 11.11.2019. godine

OPĆINSKO VIJEĆE TEŠANJ

**PREDMET: Mišljenje na vijećničku inicijativu,
dostavlja se. -**

Na 33.sjednici Općinskog vijeća Tešanj koja je održana 30.10.2019.godine vijećnik Hasan Galijašević je u ime Kluba vijećnika SDP postavio sljedeću vijećničku inicijativu:

- „Za smanjenje cijene parkiranja .“

Mišljenje

Općina Tešanj je već razmatrala mogućnost smanjenja mjesečne karte i uvođenje polugodišnje i godišnje pretplate kako bi cijena parking mjesta bila dostupnija većem broju građana sa područja općine Tešanj.

Ugovorom za 2020. godinu cijene parkiranja na javnim parkiralištima će biti ponovo analizirane kako bi iznašli najpovoljnije rješenje i za građane i za troškove održavanja, funkcionisanja i upravljanja parkiralištima. U obzir ćemo uzeti i planove za nastavak uređenja parking prostora, jer je namjera da se iz prihoda po osnovu parkiranja nastavi investiranje (kupovina novih aparata, uređenje novih parkinga...)

1. Općinsko vijeće,
2. Arhiva.



OPĆINSKI NAČELNIK

Suad Huskić
Mr. Sc. Suad Huskić



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-05-6-2245-3/19
Datum: 18.11.2019. godine

OPĆINSKO VIJEĆE TEŠANJ

Predmet: Mišljenje na vijećničku inicijativu, d o s t a v l j a s e.-

Na 33.sjednici Općinskog vijeća Tešanj koja je održana 30.10.2019. godine vijećnik Solo Fahir je u ime Kluba vijećnika A SDA postavio vijećničko pitanje:

„Da Općinske službe što hitnije izađu na teren i evidentiraju sjeline na Regionalnom putu u mjestu Piljužići i put za Komin, jer je ugroženo nekoliko domaćinstava.“

ODGOVOR:

U skladu sa iznijetom inicijativom predstavnici Službe civilne zaštite su izvršili obilazak kompletnog dijela regionalnog puta RP-474 kroz mjesnu zajednicu Piljužići (obzirom da nije jasno definisana lokacija), te utvrdili da nema klizišta koja ugrožavaju navedeni regionalni put (nema ni prijave MZ Piljužići). Napominjemo da je sanacija klizišta koja ugrožavaju regionalne ceste u nadležnosti Direkcije cesta ZDK!

Što se tiče klizišta na putu za Komin (nije jasno definisana lokacija), takođe je izvršen obilazak većeg dijela puta, te utvrđeno da prijava za iste postoji u Službi civilne zaštite (prijava MZ Piljužići), te da je na istim planirana i izvršena sanacija, a u skladu sa planskim aktivnostima na preventivnm mjerama.

Obzirom da je realizacije ovih aktivnosti okončana, shodno iznesenim smatramo da Općinsko vijeće ne treba prihvatiti inicijativu, jer je ista sadržajno prije iznošenja bila u pripremi, a ovih dana je i završena, tako da su predmetne aktivnosti završene prije zakazivanja sjednice vijeća.

Takođe, molimo da vijećnici prilikom podnošenja inicijativa ili postavljanja vijećničkih pitanja, kod definisanja lokacija iste što jasnije konkretizuju i specificiraju, kako bi se na adekvatan način utvrdilo o kojoj se tačno lokaciji radi.

OBRADIVAČ:

Služba civilne zaštite

mr.sig.Mensur Saletović, prof.

OPĆINSKI NAČELNIK

Mr. Sc. Suad Huskić





**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 01-05-6- 2319-2/19
Datum: 18.11.2019. godine

**OPĆINSKO VIJEĆE
O V D J E**

PREDMET: Mišljenje na vijećničku inicijativu, d o s t a v l j a s e , -

Dana 11.11.2019. godine vijećnik Kurdić Adem je Općinskom vijeću Tešanj dostvio vijećničku inicijativu:

“Postoji li mogućnost da se lokalni mjesni vodovod u MZ Bobare Drinčići Blaževci pripoji na vodovod Pousorje kojim upravlja JKP “RAD” Tešanj?”

MIŠLJENJE

Lokalni mjesni vodovod kojim se stanovnici MZ Bobare-Drinčići-Blaževci snadbijevaju vodom dio je znatno većeg sistema. Radi se o vodovodu “ŠIŠINAK” kojim se sa jednog izvorišta vodom snadbijevaju stanovnici tri mjesne zajednice: Kalošević - 272 domaćinstava, Bobare Drinčići Blaževci - 420 domaćinstava i Mrkotić – 405 domaćinstava.

Sistem ima zajednički vodozahvat, ali u svim drugim elementima funkcionišu kao tri vodna objekta, sa različitom upravom, plaćanjem, upravljanjem i održavanjem.

Kod primopredaje mjesnih vodovoda na upravljanje komunalnom preduzeću, prije svega treba biti jasno da vodni objekat mjesnog vodovoda koji se želi predati na upravljanje mora ispunjavati sve urbanističko-građevinske uslove u pogledu odobrenja za gradnju, što podrazumijeva da je objekat građen uz propisanu projektnu dokumentaciju, da je aktivnost dovedena do vodne dozvole i odobrenja za upotrebu objekta, te da sa stanovišta suvlasništva na objektu (vlasnici su svi građani ili pravna lica koji su učestvovali u izgradnji mjesnog vodovoda) postoji ugovor o suvlasništvu i saglasnost svih da se objekat mjesnog vodovoda želi predati na upravljanje.

Prije daljih koraka Općina će angažirati stručne osobe/institucije kako bi se provjerile tehničke mogućnosti, te eventualno pristupilo izradi tehničke dokumentacije i slično.

OBRADIVAČ

**Služba za finansije, privredu, komunalne i
inspeksijske poslove**

Hamzalija Hojkurić, dipl.ecc

OPĆINSKI NAČELNIK

Mr. sc. Suad Huskić





**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-05-6-2236/19
Datum, 07.11.2019. godine

OPĆINSKO VIJEĆE TEŠANJ

**Predmet: Mišljenje na vijećničku inicijativu
d o s t a v l j a s e-**

Dopisom od 30.10.2019. godine vijećnik Nermin Deljković je dostavio vijećničku inicijativu: "OV Tešanj i načelniku sa službama da se prihvati praksa da putevi koji nisu javni od 2020. godine neće više biti osvijetljeni, tretirani održavanjem i čišćenjem puteva (ljetno i zimsko), te neće biti uvršteni na listu kapitalnih, kao i projekata za asfaltiranje."

Mišljenje:

Sagledavajući vašu inicijativu konstatovali smo da, na žalost još uvijek ima ulica i cesta koje se koriste u javne svrhe, ali su u klatastru privatne parcele. Primjer takvih puteva su: put Medakovo-Šije, Piljužići-Bobare, put kroz Glinište, ulice u Jelahu i Tešnju itd. Rješavanje imovinsko-pravnih odnosa je otežano. Općinske Službe će, u narednom periodu, pristupiti rješavanju ovih problema.

S poštovanjem

Dostavljeno:

1. Općinsko Vijeće
2. Arhiva.

OPĆINSKI NAČELNIK

Mr. sci. Suad Huskić





**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:01-05-6-2244-3/19

Datum: 06.11.2019.godine

**OPĆINSKI NAČELNIK
O V D J E**

PREDMET: Odgovor na vijećničko pitanje, traži se

Na 33.sjednici Općinskog vijeća Tešanj koja je održana 30.10.2019.godine vijećnik Kurdić Adem je postavio vijećničko pitanje:

„Da li su Općinski načelnik, općine Tešanj i Općinske službe upoznati da se krši Statut Općine, MZ Bobare Drinčići Blaževci, jer već 4 mjeseca nije održana sjednica Savjeta MZ, i ako ste upoznati šta se po tom pitanju uradili ili radi?“

Na postavljeno vijećničko pitanje dajemo slijedeći odgovor:

Općinski načelnik, putem Službe društvenih djelatnosti i investicija upoznat je sa stanjem i radom organa MZ Bobare, Drinčići, Blaževci a samim tim i da povremeno dolazi do kašnjenja u održavanju sjednica Savjeta kao i problemom angažovanja tehničkog sekretara. Lice zaduženo za saradnju sa mjesnim zajednicama je u više navrata upozorio predsjednika savjeta MZ na obavezu održavanja sjednica. Naredni korak je bio prijedlog za obustavu uplate sredstava za redovan rad organa MZ. Kako je naveo predsjednik savjeta, planirao je sjednicu 06.10.2019.godine u sklopu manifestacije “Dani MZ” ali ista nije održana jer nije bilo kvoruma. Ponovo je bila zakazana sjednica Savjeta MZ za 24.10.2019.godine ali ponovo nije održana zbog nedostatka kvoruma. Iz dostavljenog zapisnika vidimo da je nova sjednica planirana za 09.11.2019.godine te se nadamo da više neće dolaziti do zastoja u radu MZ.

Dostavljeno:

- 1.Naslov,
- 2.a/a



OPĆINSKI NAČELNIK

Mr.Sci. Suad Huskić



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:01-05-6-2240-3/19
Datum: 20.11.2019.godine

OPĆINSKO VIJEĆE

Predmet: Odgovor na vijećničko pitanje, dostavlja se.-

Na 33.sjednici Općinskog vijeća Tešanj koja je održana 30.10.2019.godine vijećnik Pašić Danijel je u ime Kluba vijećnika SDP postavio vijećničko pitanje:

- „Da li je bilo primanja u radni odnos u posljednja 3 mjeseca u JU u općini Tešanj? Ako jeste da li osobe koje su primljene u radni odnos ispunjavaju sve kriterije za prijem u radni odnos?“

U obrazloženju je naveo da je pitanje dostavljeno od strane građana koji imaju informaciju da su u radni odnos primljene osobe koje ne ispunjavaju uslove za obavljanje određenih djelatnosti, konkretno u JU Biblioteka.

ODGOVOR:

Nadležna Služba je po primitku delegiranog vijećničkog pitanja odmah zatražila odgovor od JU “Opća biblioteka Tešanj”, te dobiveni odgovor dostavljamo u Prilogu.

PRILOG: 1. Odgovor,

Dostavljeno:

1. Naslovu
2. Arhiva

OPĆINSKI NAČELNIK
Mr.sci. Suad Huskić



JAVNA USTANOVA OPĆA BIBLIOTEKA TEŠANJ
Ul. Braće Pabrića br.8.
74260 TEŠANJ
Tel/Fax: +387(0)32 650 558, 651-554

Broj protokola:150-11/19
Datum: 19.11.2019.

OPĆINA TEŠANJ

Primiteno	20. 11. 2019		
Op. jed.	Klasif. oznaka	Služni broj	Br. priloga
01	-05-6-	2240	/19

PREDMET: Odgovor na vijećničko pitanje

medij

Poštovani,

Obavještavam vas da u posljednja tri mjeseca nije bilo prijema u radni odnos u JU Opća biblioteka Tešanj.

S poštovanjem,

Direktorica:

Dr. sci. Almina Alagić



Dostavljeno:
1. Općina
2. Arhiva



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:01-05-6-2230-3/19
Datum: 06.11.2019.godine

OPĆINSKO VIJEĆE

Predmet: Odgovor na vijećničko pitanje, dostavlja se.-

Na 33. sjednici Općinskog vijeća Tešanj, koja je održana 30.10.2019.godine **vijećnik Kotorić Esmir** je postavio vijećničko pitanje:

1. „Šta je sa Kantonalnim stipendijama, kako se dijele i da li postoji reciprocitet u podjeli stipendija ?“

Na postavljeno vijećničko pitanje dostavljamo vam slijedeći odgovor:

Kada su u pitanju stipendije Ministarstva za obrazovanje, nauku, kulturu i sport ZDK, svi prijavljeni kandidati sa područja općine Tešanj, ukoliko ispunjavaju uslove, ostvare stipendiju.

Praksa Općine Tešanj da se dodjeli općinska stipendija svim studentima koji ispunjavaju uslove konkursa, što je ukupno iznosilo i do 350.000 KM. To je rezultiralo smanjenim brojem aplikacija za stipendiju putem Ministarstva obrazovanja. Predhodnih godina Općina Tešanj je tražila podršku od Ministra obrazovanja. Akademske 2017/18. godine ta podrška je iznsila 85.000 KM. Ove godine ta podrška je izostala. Takođe napominjemo da ne postoji reciprocitet u podjeli stipendija Ministarstva obrazovanja na općine u ZDK.

Pregled ostvarenih stipendija putem Ministarstva obrazovanja po općinama: Zenica – 863, Kakanj – 201, Visoko – 170, Zavidovići – 116, Žepče – 103, Breza – 42, Tešanj – 37, Maglaj – 25, Usora – 14, Vareš – 14, Olovo – 12. Općina Dobojski Jug nije imala prijava na stipendije Ministarstva obrazovanja.

Dostavljeno:

1. Naslovu
2. Arhiva


OPĆINSKI NAČELNIK
Mr.sc. Suad Huskić





Broj: 10-38-16725-1/19
Zenica, 26.11.2019. godine

Općina Tešanj
Općinski načelnik
Tešanj




PREDMET: Obavijest

U vezi sa Vašim dopisom, broj: 01-05-6-2230/19 od 8.11.2019. godine, a koji se odnosi na vijećničko pitanje postavljeno na 33. sjednici Općinskog vijeća Tešanj od strane vijećnika Kotorić Esmira, ovim putem Vas obavještavamo o sljedećem:

- Ministarstvo za obrazovanje, nauku, kulturu i sport, Zeničko-dobojskog kantona svake kalendarske godine objavljuje Konkurs za dodjelu stipendija redovnim studentima prvog i drugog ciklusa studija s prebivalištem na području Zeničko-dobojskog kantona za određenu akademsku godinu;
- **Svim studentima** (s prebivalištem na području Zeničko-dobojskog kantona) koji se prijave na pomenuti Konkurs, **a koji zadovoljavaju uslove Konkursa dodjeljuje se stipendija** Ministarstva za obrazovanje, nauku, kulturu i sport Zeničko-dobojskog kantona;
- Broj studenata po općinama i gradovima (Zeničko-dobojskog kantona) koji se prijavljuju na pomenuti Konkurs mijenja se iz godine u godinu.

S poštovanjem,

Dostavljeno:
2 x Naslovu,
2 x a/a (04).



MINISTAR

Prof. dr. Spahija Kozlić

03. 12. 2019.



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:01-05-6-2019 -2/19

Datum: 08.11.2019.godine

OPĆINSKO VIJEĆE

PREDMET: Odgovor na vijećničko pitanje, dostavlja se

Na 32.sjednici Općinskog vijeća Tešanj koja je održana 30.09.2019.godine vijećnik Jašić Haris je u ime Kluba vijećnika BPS SH postavio vijećničko pitanje:

1. Da li je tačno da je općini Tešanj, od strane kantonalnog nogometnog saveza i drugih sportskih liga nuđena finansijska pomoć od 300 000 KM i pod kojim uslovima?
2. Zašto nije prihvaćena i iz kojih razloga?

ODGOVOR:

Nije tačno da je nuđena finansijska pomoć općini Tešanj u bilo kojem iznosu i samim time nije ni mogla biti prihvaćena. Nogometni savez je imao javni poziv za podršku u razvoju sportske infrastrukture za sve općine u Federaciji BiH i nije bilo nikakve garancije za Tešanj. Javni poziv je omogućavao određeni vid podrške po uslovima koje su oni postavili. Ti uslovi su podrazumijevali da se uredi nogometni stadion koji bi koristili svi klubovi pod istim uslovima, da se obezbijede prethodna ulaganja (radovi po gruboj procjeni minimalno 200.000 KM na postojećim terenima, a u slučaju nove lokacije daleko više), da nogometni savez provede postupak nabavke i da direktno donira ogradu ili vještačku travu po svojoj nabavci.

Općina je pozvala predstavnike Nogometnog saveza na sastanak sa ciljem pribavljanja konkretnijih informacija. Nakon toga održana su i dva sastanka zajednička sastanka (decembar 2018.) Općinskog načelnika sa predstavnicima svih lokalnih nogometnih klubova. Klubovi su iznijeli svoje trenutne potrebe (pojedinačne):

- Pobjeda Tešanjka – uslovi za takmičenje, klubske prostorije,
- Napredak Šije – obavezu da se proširi postojeći stadion kupovinom zemljišta i uređenjem i završetak klubskih prostorija
- Borac Jelah – dio rasvjete i uređenja terena
- TOŠK – „problem“ pomoćnog terena i finansijskih poteškoća u trenutnom nivou takmičenja.

Budući da na prostoru općine postoji već 5 velikih nogometnih stadiona, svi su potvrdili da im je važnije riješiti trenutne problemi nego novi 6 zajednički stadion (u dva slučaja riječ je o uslovima za nastavak takmičenja). Analizirana je opcija da se jedan od postojećih stadiona rekonstruiše, međutim nije bilo zajedničke saglasnosti o istom (zbog fizičke i druge potpune pristupačnosti svim klubovima).

Shodno trenutnim prilikama i prioritetima sportskih klubova u budžetu za 2019. godinu je predložena finansijska podrška potrebnim aktivnostima.

Podsjećamo da Općina Tešanj ima definisane prioritete u području sportke infrastrukture (kroz Strategiju razvoja), koji u trenutnoj finansijskoj procjeni iznose 3 do 4 miliona KM.

- Završetak gradnje 4 školske dvorane
- Priprema i gradnja sportske dvorane u Jelahu
- Priprema i gradnja zatvorenog bazena

Pri tome, treba uzeti u obzir tekuće troškove za rad sportskih klubova, koji su u 2019. godini planirani na iznos od 430.000 KM (povećanje u odnosu na 2018. za 100.000 KM), dok je kapitalno ulaganje u 2019. godini u sportsku infrastrukturu cca 800.000 KM.



OPĆINSKI NAČELNIK
Mr. sc. Suad Huškić



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 01-05-6-2100-2/19

Datum: 19.11.2019. godine

OPĆINSKO VIJEĆE TEŠANJ

Predmet: Odgovor na vijećničko pitanje, dostavlja se;

Na 32. sjednici Općinskog vijeća Tešanj održanoj 30.09.2019. godine vijećnik Solo Fahir je postavio vijećničko pitanje u vezi inicijativa i pitanja koja su postavljali i inicirali u prethodnom periodu za **“Upućivanje općinskih službi koje će evidentirati uska grla rijeka i potoka, kao i svega onoga što je uzrokom poplava i da se krene u sistematsko rješavanje na poplavljenim područjima naše općine kako bi se spriječile nove poplave na istim područjima“.**

-Da li će se pozvati na odgovornost oni koji su se oglašili na ova pitanja i inicijative koje su postavljene prije nego li su se katastrofe dogodile, nakon čega su se desile katastrofalne poplave sa milionskim štetama na javnoj imovini, kao i imovini građana?

ODGOVOR:

Kao i ranijih godina, Služba civilne zaštite je svoje aktivnosti u smislu provođenja preventivnih mjera radila u skladu sa Plan preventivnog čišćenja korita rijeka i potoka na području cijele općine Tešanj, a sve u cilju sprečavanja plavljenja objekata i poljoprivrednih površina na području općine. Na osnovu Plana sačinjen je predmjer i predračuna radova, a time i definisana finansijska konstrukcija za realizaciju ove aktivnosti..

U realizaciji ovih aktivnosti, veliku pomoć i saradnju su nam davali predstavnici mjesnih zajednica gdje su dogovoreni detalji oko ove aktivnosti i dobijanja saglasnosti od vlasnika parcela. Do sada na području općine Tešanj očišćeno i uređeno je cca 24 kilometra uređenja korita potoka i rijeka i cca 600 m² obaloutvrda.

Treba napomenuti da na području općine Tešanj postoje vodotoci I i II kategorije U I kategoriju vodotoka ulaze rijeka Usora i Bosna koje su u nadležnosti Agencije za vodno područje rijeke Save, a u II kategoriju svi ostali manji vodotoci (Tešanjka, Trebačka rijeka, Radušica, potok Ježevac, potok Starača, Mekiški potok, Ponikva ...) koji su u nadležnost općine. U dosadašnjem radu oko čišćenja, proširivanja i produblivanja vodotoka veliki problem imali smo oko nedobijanja saglasnosti za radove na vodotocima od vlasnika parcela koji graniče sa tim vodotocima, pa smo se za jednu lokaciju morali vraćati u više navrata, a dešavalo se da ta aktivnost traje i godinama.

U 2019. godini na planu provođenje preventivnih mjera

Urađeno je sljedeće:

- Sanacija i izrada obaloutvrde i čišćenje Trebačke rijeke i potoka u MZ Jablanica (Ripna)
- Izrada obaloutvrde Trebačke rijeke (kod džamije) i bankine puta za Softiće u MZ Karadaglije
- Čišćenje korita vodotoka Lončaruša u MZ Jelah (ispod mosta u Jelah polju)
- Čišćenje korita vodotoka u MZ Rosulje u Ristićima dužine cca 400 m, takođe kod preduzeća Hidroring
- Izrada obaloutvrde u koritu rijeke u MZ Dobropolje-Mekiš, kod kuće Kičina,
- Čišćenje korita vodotoka od nanosa šljunka u MZ Dobropolje-Mekiš
- Sanacija i izrada obaloutvrde i čišćenje Planjske rijeke u MZ Jelah (kod džamije u Mračaju)
- Čišćenje korita vodotoka Golubovac u MZ Bobare-Drinčići-Blaževci,

a u pripremi je:

- Sanacija i izrada obaloutvrde i čišćenje potoka Lužnjak u MZ Miljanovci-novi (kod mosta kuće Smajić Mirzeta)
- Čišćenje korita vodotoka od nanosa šljunka, kamenja i dr. u MZ Šije, do magistralne ceste,
- Kopanje i čišćenje manjeg potoka Jošik u ulici u Jelahu, pored preduzeća AS doo u MZ Jelah,

Što se tiče samog postavljenog vijećničkog pitanja, a koje se odnosi na **evidentirati uskih grla rijeka i potoka, kao i svega onoga što je uzrokom poplava i da se krene u sistematsko rješavanje na poplavljenim područjima naše općine kako bi se spriječile nove poplave na istim područjima**, od strane firme ES Hydrotechnics Sarajevo, trenutno je u fazi izrade idejno rješenje za spojni kanal između potoka Lončaruša koji ide iz MZ Piljužići i potoka Lužnjak koji ide iz MZ Miljanovci-novi u Jelah-polju, kao i izrada prijedloga projektnog zadatka na rješavanju odvodnje površinskih voda/vodotoka na području cijelog Pousorja.

OBRADIVAČ:

Služba civilne zaštite

mr.sig. Mensur Saletović

OPĆINSKI NAČELNIK

Mr. Sc. Suad Huskić





**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-05-6-2243-2/19
Datum: 11.11.2019. godine

OPĆINSKO VIJEĆE TEŠANJ

**PREDMET: Odgovor na vijećničko pitanje,
d o s t a v l j a s e . -**

Na 33.sjednici Općinskog vijeća Tešanj koja je održana 30.10.2019.godine vijećnik Amir Kurtić je postavio sljedeća vijećnička pitanja:

1. „Zašto propust kod OŠ "Huso Hodžić" nije završen? Da li nije završen zato što je na području općine Tešanj?“
2. "Da li je neko u ZE-DO kantonu oštećen i da li mu je oduzeto pravo zato što je Direkcija za ceste ZE-DO kantona gradila most na rijeci Usori u Jelahu, na Regionalnoj cesti RP 474, što je i nadležnost Direkcije?“

Odgovor:

S obzirom da se pitanje odnosi na poslove izgradnje objekata koji utiču na bezbjednije odvijanje saobraćaja na regionalnoj cesti i putnom pojasu Regionalne ceste R-474 a što je u nadležnosti Kantona, pitanje je upućeno Direkciji za ceste ZE-DO kantona.

Prilog: Zahtjev Direkciji

Dostavljeno:

1. Općinsko vijeće,
2. Arhiva.



OPĆINSKI NAČELNIK

Mr. Sc. Suad Huskić



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
Služba za finansije, privredu, komunalne i inspeksijske poslove**

Broj: 04-05-6-2243-3/19
Datum: 11.11.2019. godine

**Direkcija za ceste ZE-DO kantona
ZENICA**

PREDMET: Odgovor na vijećničko pitanje, traži se;

Na 31. sjednici Općinskog vijeća Tešanj koja je održana 30.10.2019.godine postavljena su slijedeća vijećnička pitanja:

1. „Zašto propust kod O.Š. Huso Hodžić nije završen? Da li nije završen zato što je na području općine Tešanj?“
2. Da li je neko u ZE-DO kantonu oštećen i da li mu je oduzeto pravo zato što je Direkcija za ceste ZE-DO kantona gradila most na rijeci Usori u Jelahu, na Regionalnoj cesti RP 474, što je i nadležnost Direkcije?“

Kako je izgradnja i održavanje regionalne ceste u nadležnosti Direkcije za ceste ZE-DO kantona molimo Vas da nam date odgovor, kako bi na vrijeme ispoštovali obaveze prema Općinskom vijeću.

Molimo da odgovor na vijećničko pitanje dostavite u razumnom roku.

Zahvaljujemo na saradnji,

Dostavljeno:

1. Naslovu,
2. Arhiva.



POMOĆNIK OPĆINSKOG NAČELNIKA

Hamzaliya Hojkurić, dipl.ecc